



D. O. M.
POSITIONES ANATOMICÆ
ET
CHIRURGICÆ.



ORPORIS HUMANI partes solidæ & fluidæ mutuo
gaudent motu ; si fiet æquabilis , firmissima stat
integra que viget & fovetur sanitas : cessante verò
æquilibrio & aliquatenus impeditâ earum actione
reciproca , alteratur solidorum naturalis tonus ,
nativam exuunt indolem fluida.

TUBOS & canales , diversi quidem generis , constituunt solida.
Quidam à sinistro cordis ventriculo ad extremas corporis partes
procedunt ; ex illis alii progenerantur dextro cordis thalamo infe-
rendi : priores arteriarum nomine donantur ; de eorum structurâ ,
distributionibus , actione & usu pro viribus disserere conabimur.

ARTERIARUM sanguis peculiari præter naturam tumori
præbet originem , quem vocant Aneurisma : hujus species du-

plex ; vel à dilatatis arteriæ parietibus sacculus sit , qui sanguineo latice repletus pedetentim augetur , & legitimum Aneurisma dicitur : vel ex salutâ tubuli unionè , à cruore effuso tumor efformatur , huncque Aneurisma spurium appellant.

IN quâcumque corporis parte Aneurismata possunt contingere ; legitima frequentius in partibus internis observantur , spuria verò in artubus.

DARI Aneurismata ab interiorum tunicarum dilatatione , exterioribus à causâ quâlibet divisis , quidam scripserunt ; hæc arteriarum hernias nuncupavere.

IN Aneurismate spurio sanguis effusus plus minùs-ve post sectionem arteriæ in vicinia paulatim intenditur ; vel tumorem circumscriptum tunicis arteriæ adhærentem , à coagulo in stratum super stratum ordinato , efformat *. Singulis , tùm legitimo , tùm spuriiis , sua sunt signa , sua cuique prognosis , diversa omnibus competit medendi methodus.

ANEURISMA legitimum , ab arteriæ compressione , contusione , erosione , nixu vehementiori , & aliis causis cùm internis tùm externis oriundum , exterius se prodit tumore ut plurimum rotundo , molli , haud immutato cutis colore , lentiori progressu crescente ; pressione non nunquam penitus evanescit , plùs minùs-ve distinctâ innotescit pulsatione ; cui , qualis sit , non semper fidendum , neque hæc pro signo pathognomonico habenda.

SPURII Aneurismatis in quo longè latè que diffusus est sanguis , tumor subdurus , digitis pressus vix cedens , sensilis pulsationis expers , haud infrequenter colorem plumbeum induit.

ANEURISMATIS legitimi speciem & indolem non rarè mentitur Aneurisma spurium , in quo sanguinis coagulum circumscriptè ad formam concamerationis accedit. Hoc à legitimo differt in eo quod solutæ unionis à causâ externâ sit consecutivum , quod pressione quàm minimùm evanescat , quod que obscurior ex illo fiat pulsationis arteriæ perceptio.

* De hac aneurismatis spurii secundariâ specie videatur dissertatio à Domino Petit Chir. Magistr. in Regiæ Scientiarum Academiæ commentariis ann. 1736. pag. 244.

3

INDOLIS aneurismatum habitū ratione diversa sequire queunt accidentia. In veris, temporis progressu, tunicarum expansio major, & spontanea demum ruptio: in spuris diffusis, partis ingurgitatio & livor, dolor gravativus; imminens gangrænam, brevique nasciturum ex eâ sphacelum prægreditur non nunquam intumescencia partis œdematosa: in spuris consecutivis, tumor durus, paulatim augescens, mole tantum fit molestus, & obeundis functionibus partem prorsus imparem reddit.

CÆTERUM à naturā, sede, mole, accidentibus, distantia à corde, diversa aneurismatum deducenda prognosis.

QUÆ in partibus internis fiunt aneurismata, palliativam tantum tum à generalioribus remediis, tum à moderatā victūs ratione petendam, & à quocumque immoderato nisu cavendo, admittunt curationem. Exterioribus verò aneurismatibus perfectā quandoquē competit curatio, imprimis à tumoris compressione, aut à ligaturā arteriæ obtinenda.

ANEURISMATI legitimo, si ab arteriæ compressione aut coarctatione non oriatur, compressio congrua; modò tunicarum non imminet disruptio; tunc enim operatione solū, si possit institui, sanabile.

POSSIBILITATEM operationis celebrandæ arguit suprà arctata, ope torcularis Dⁿi. Petit, arteria; quod quidem compressionem vocant præparatoriam.

IN aneurismate spurio cum effusione intra textūs adiposi cellulas, tumor, præcautis præcavendis, aperiatur; solutio tubuli solerter detegatur, nervo que, si sit vicinus, ab arteriā separato, hæc duplicem inter ligaturam constringatur.

COMPRESSIO exterior, aneurismatis spurii consecutivi indubiatum præsidium; dum modò tumor mole non sit major: hunc ritè diutius que compressum tutè curari posse, prospera docet praxis.

OPERATIONI cū est locus, celebratā ut par est, rectèque deligato vulnere, victūs ratio tenuis imperanda; venæ sectioni-

4

bus accidentia arceantur & debellantur: scilicet spirituosus gangraena praecavenda & removenda: linamenta carpta vulnere superposita, donec sponte decident, relinquantur.

SISTENDO inter operandum sanguini, styptica & caustica; compressiove, non semper tanquam infidiola spectentur; cum ad illa, quibusdam in casibus, veluti ad sacram anchoram confugere necesse sit.

IN vulneris curatione à remediis suppurantibus supra ipsam arteriam diligenter abstinendum.

Has positiones, DEO JUVANTE, & praeside M. JOANNE-FRANCISCO SIMON, Artium & Chirurgiae Magistro, Demonstratore Regio, Cohortis Equitum Levis-Armaturae à Regis custodiâ Chirurgo Primario; tueri conabitur JACOBUS MOTHEREAU Parisinus, in eadem Universitate Parisensi Artium Liberalium Magister.

P A R I S I I S,

IN REGIIS CHIRURGICORUM SCHOLIS:

*Die Jovis 24 Decembris à sesqui-secundâ post meridiem
ad Septimam. Anno Domini 1750.*

P R O A C T U P U B L I C O;

Typis DELAGUETTE Regiae Chirurg. Academiae
Typographi 1750.